



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-11-11305/21
Sarajevo, 22.03.2021. godine

Na osnovu člana 64. Zakona o dopunskim pravima boraca - branitelja Bosne i Hercegovine („Službene novine Kantona Sarajevo“, broj 45/12- Prečišćeni tekst, 26/14, 46/17, 18/19, 20/20, 24/20-Ispravka i 10/21), čl. 4. stav 2., 40. stav 2. Pravilnika za utvrđivanje prava na dodjelu jednokratne novčane pomoći i prava na obezbjeđenje ogrjeva („Službene novine Kantona Sarajevo“, broj 5/21), a u skladu s tačkom 30. Javnog oglasa za podnošenje zahtjeva za ostvarivanje dopunskih prava porodica šehida i poginulih boraca, ratnih vojnih invalida i demobiliziranih branilaca u Kantonu Sarajevo za 2021. godinu, broj 06-37-4838/21, objavljenog u listu „Dnevni avaz“ dana 22.02.2021.godine, Ministarstvo za boračka pitanja Kantona Sarajevo, o b j a v l j u j e

JAVNI POZIV ZA PODNOŠENJE ZAHTJEVA ZA OSTVARIVANJE PRAVA NA OBEZBJEĐENJE OGRJEVA BORAČKOJ POPULACIJI U KANTONU SARAJEVO

Predmet Javnog poziva je ostvarivanje prava na obezbjeđenje ogrjeva boricima-braniteljima Bosne i Hercegovine iz sredstava Ministarstva za boračka pitanja Kantona Sarajevo planiranih Budžetom Kantona Sarajevo za 2021. godinu.

Na ovaj Javni poziv zahtjeve mogu podnositi pripadnici boračke populacije sa područja Kantona Sarajevo koji su određeni u članu 1. Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, broj 45/12-Prečišćeni tekst, 26/14, 46/17 i 18/19, 20/20, 24/20-Ispravka i 10/21) (u daljem tekstu: Zakon) i to: članovi porodica šehida, članovi porodica poginulih, umrlih i nestalih branioca, ratni vojni invalidi i članovi njihovih porodica, dobitnici ratnih priznanja i odlikovanja i članovi porodica poginulih, umrlih i nestalih dobitnika ratnih priznanja i odlikovanja, demobilizirani branioci, dobrovoljci, organizatori otpora, veterani, ratni vojni zarobljenici i mirnodopski vojni invalidi, a u skladu sa Pravilnikom za utvrđivanje prava na dodjelu jednokratne novčane pomoći i prava na obezbjeđenje ogrjeva („Službene novine Kantona Sarajevo“, broj 5/21) (u daljem tekstu: Pravilnik).

1. OBLIK OSTVARIVANJA PRAVA

Pravo na obezbjeđenje ogrjeva boračkoj populaciji u Kantonu Sarajevo ostvaruju lica na način da će se ogrjev isporučivati na adrese krajnjih korisnika ovog prava na području Kantona Sarajevo, a na osnovu dostavljenih spiskova od strane Ministarstva za boračka pitanja Kantona Sarajevo, putem izabranog najpovoljnijeg dobavaljača za nabavku, transport i isporuku donacije ogrjeva, izabranog u skladu sa Zakonom o javnim nabavkama Bosne i Hercegovine.

Pod pojmom ogrjeva u ovom slučaju smatra se 4 PRM (prostorna metra) bukovog ogrjevnog drveta I klase (komadi drveta izrezanog iz trupaca na dužinu 20-30 cm), a zatim iscjepkanih na glavinje prečnika 10-20 cm, te složenih u paletu 1 PRM (prostorna metra).

2. KORISNICI PRAVA

Pravo za ostvarivanje prava na obezbjeđenje ogrjeva boračkoj populaciji u Kantonu Sarajevo imaju socijalno najugroženiji pripadnici boračke populacije iz člana 1. Zakona i to ako:

- a) ispunjavaju uslov određen članom 37. Pravilnika, kojim je određeno da imaju prebivalište-boravište na području Kantona Sarajevo najmanje 10 godina neprekidno do dana objave ovog Javnog poziva,
- b) su u propisanom roku ovog Javnog poziva predali potpunu dokumentaciju.

3. KRITERIJI ZA PRIORITETNO RJEŠAVANJE PODNEŠENIH ZAHTJEVA

Članom 38. Pravilnika su određeni kriteriji za ostvarivanje prava na obezbjeđenje ogrjeva i to:

- 1) pripadnost kategoriji lica iz člana 1. Zakona koji isključivo koriste čvrsti ogrjev za zagrijavanje stambenog prostora,
- 2) pripadnost kategoriji lica težeg imovnog stanja čiji ukupni prihodi ne prelaze 17% od prosječne plaće u Kantonu Sarajevo u prethodnoj godini po članu domaćinstva (200,43 KM), izuzev porodica šehida i porodica poginulog, umrlog, nestalog branioca koji su u težem zdravstvenom položaju, a na prijedlog Komisije za dodjelu jednokratnih novčanih pomoći,
- 3) težak zdravstveni položaj podnosioca zahtjeva ili članova njegovog porodičnog domaćinstva,
- 4) veći broj članova porodičnog domaćinstva.

Prioritet za ostvarivanje ovog prava pod jednakim uslovima imaju podnosioci zahtjeva koji u prethodne dvije (2) godine nisu bili korisnici ovog prava, kao ni drugih prava iz oblasti socijalne zaštite.

4. POTREBNA DOKUMENTACIJA

Obavezna dokumentacija koju dostavljaju podnosioci zahtjeva :

1. Dokaz da je lice iz člana 1. Zakona o dopunskim pravima boraca - branitelja Bosne i Hercegovine:

- a) Za branioca, dobrovoljca, organizatora otpora i veterana - Uvjerenje grupe za pitanja evidencija iz oblasti vojne obaveze o učešću u OS RBiH (**obrazac FMB-3a**) - Izdaje Grupa za pitanja evidencija iz oblasti vojne obaveze za područje općine prema mjestu prebivališta-boravka,
- b) Za porodice šehida i porodice poginulih, umrlih i nestalih branilaca - Reviziono rješenje o priznavanju prava na porodičnu invalidninu i uvjerenje da je i dalje korisnik porodične invalidnine - Izdaje općinska služba za boračko - invalidsku zaštitu prema mjestu prebivališta - boravka,
- c) Za ratnog vojnog invalida, mirnodopskog vojnog invalida - Reviziono rješenje o ličnoj invalidnini i uvjerenje da je i dalje korisnik lične invalidnine - Izdaje općinska služba za boračko - invalidsku zaštitu prema mjestu prebivališta boravka,
- d) Za dobitnike ratnih priznanja i odlikovanja i člana porodica poginulih, umrlih i nestalih dobitnika ratnih priznanja i odlikovanja- Rješenje o ostvarivanju novčane naknade za dobitnike ratnih priznanja - Izdaje općinska služba za boračko-invalidsku zaštitu prema mjestu prebivališta - boravka.

2. Kućnu listu (Izjava se daje i ovjerava u općini).

3. Uvjerenje Službe za zapošljavanje Kantona Sarajevo ukoliko je podnosilac zahtjeva nezaposlen, kao i za njegove članove porodičnog domaćinstva ukoliko su nezaposleni (Izdaje ispostava Službe za zapošljavanje po mjestu prebivališta - boravka).

4. **Medicinska dokumentacija podnosioca zahtjeva i članova porodičnog domaćinstva.**
5. **Uvjerenje o kretanju podnosioca zahtjeva** (Izdaje Policijska uprava po mjestu prebivališta – boravka) i prijava mjesta boravka – prebivališta za podnosioca zahtjeva i sve članove porodičnog domaćinstva.
6. **Dokaze o ukupnim mjesečnim prihodima - primanjima podnosioca zahtjeva i članova njegovog porodičnog domaćinstva po osnovu: radnog odnosa, boračko - invalidske zaštite, penzije, samostalne djelatnosti i drugih osnova** (Potvrda firme o visini plate, čekovi od penzije, uvjerenje iz BiZ-a o iznosu porodične/lične invalidnine ili novčane egzistencijalne naknade), (za redovne i redovne samofinansirajuće studente potvrda visokoškolske ustanove o navedenom statusu).
7. **Izjava data i ovjerena u Općini kao dokaz o činjenici da porodično domaćinstvo podnosioca zahtjeva isključivo koristi čvrsti ogrjev za zagrijavanje stambenog prostora u kojem živi/e, kao i da podnosioc zahtjeva ranije jeste i kada je ostvario/la pravo ili nije ostvarivao/la pravo na obezbjeđenje ogrjeva putem ovog Ministarstva.**
8. **Uvjerenje da podnosilac zahtjeva, kao ni punoljetni članovi njegovog porodičnog domaćinstva nisu evidentirani kao porezni obveznici i da nemaju duga po osnovu javnih prihoda** (Izdaje Porezna uprava po mjestu prebivališta - boravka).
9. **Rodni list (trajnog karaktera) za podnosioca zahtjeva koji živi sam, a za podnosioce zahtjeva koji su bili u bračnoj zajednici presuda o razvodu braka.**

5. LICA KOJA NE MOGU OSTVARITI PRAVO

Saglasno Zakonu pravo na obezbjeđenje ogrjeva ne mogu ostvariti:

1. Podnosioci zahtjeva koji nemaju prijavljeno prebivalište-boravište na području Kantona Sarajevo najmanje 10 godina neprekidno do dana objave ovog Javnog poziva,
2. Pripadnici boračke populacije koji su Oružane snage RBiH samovoljno napustili, odnosno da postoji razlog u smislu člana 36. Zakona o pravima branilaca i članova njihovih porodica (“Službene novine Federacije BiH“, br. 33/04, 56/05, 70/07 i 9/10 i 90/17),
3. Pripadnici boračke populacije koji su podnijeli zahtjeve sa nepotpunom dokumentacijom,
4. Pripadnici boračke populacije koji nisu podnijeli zahtjeve u propisanom roku ovog Javnog poziva,
5. Podnosioci zahtjeva za koje Ministarstvo za boračka pitanja Kantona Sarajevo provjerom ustanovi da su dali netačne podatke,
6. Podnosioci zahtjeva kojima su dodjeljene novačane pozajmice za otvaranje radnih mjesta i novčane pozajmice za rješavanje stambenih potreba, a nisu uredno izvršili povrat dodjeljenih sredstava ili ne izvršavaju redovno preuzete obaveze vraćanja dodjeljenih sredstava.

6. ROK PODNOŠENJA ZAHTJEVA

Prijem zahtjeva Ministarstvo za boračka pitanja Kantona Sarajevo će vršiti od dana objavljivanja Javnog poziva u listu „Dnevni avaz“, do 13.04.2021. godine.

7. MJESTO PREUZIMANJA ZAHTJEVA

Zahtjevi na posebno propisanim obrascima sa potrebnom dokumentacijom mogu se preuzeti putem web stranice Ministarstva za boračka pitanja Kantona Sarajevo (www.mbp.ks.gov.ba), općinskih službi za BiZ i boračkih udruženja po mjestu prebivališta.

8. MJESTO PODNOŠENJA ZAHTJEVA

Za priznavanje i ostvarivanje navedenog oblika prava, podnose se zahtjevi na posebno propisanim obrascima sa potrebnom dokumentacijom na slijedeću adresu: Ministarstvo za boračka pitanja Kantona Sarajevo, ulica Reisa Dž. Čauševića br.1, 71000 Sarajevo **isključivo preporučeno putem pošte**, sa naznakom na koverti: “**ZA OBEZBJEĐENJE OGRJEVA**”.


Informacije vezano za predmet Javnog poziva mogu se dobiti putem telefona info-punkta Ministarstva za boračka pitanja Kantona Sarajevo telefon: 033/562-273.

9. OBRADA ZAHTJEVA

Nakon završene obrade zahtjeva i formiranja liste lica koja su u skladu sa ovim Javnim pozivom, Zakonom i Pravilnikom ostvarili naznačeno pravo, Ministarstvo za boračka pitanja Kantona Sarajevo objaviće Obavještenje u sredstvima javnog informisanja i web stranici Ministarstva za boračka pitanja Kantona Sarajevo (www.mbp.ks.gov.ba), da će rezultati biti dostupni na web stranici Ministarstva za boračka pitanja Kantona Sarajevo i putem telefona info-punkta Ministarstva za boračka pitanja Kantona Sarajevo (telefon: 033/562-273).

NAPOMENA:

- Obavezno predavati fotokopije dokumenata koje moraju biti ovjerene ili original dokumenta, ne starijih od 6 mjeseci uključujući i medicinsku dokumentaciju.
- **Određene procedure koje se odnose na aplikativni dio (prikupljanje, prijem i predaju zahtjeva) je potrebno ispoštovati kako bi se izbjegla nepotrebna okupljanja u prostorijama ministarstva i šalter sali Kantona Sarajevo, a u cilju sprečavanja širenja pandemije Covid-19.**
- Predata dokumentacija se neće vraćati podnosiocima zahtjeva.
- **Nepotpuni i neblagovremeni zahtjevi se neće uzeti u razmatranje.**



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića

